

समा. 09.20 Hrs

- जम्मू-कश्मीर अज्ज पैहली बारी चूना पत्थर निलामी दी मेजबानी करने जा रदा ऐ। केन्द्री मंत्री जी. किशन रेड्डी ते मुखमन्त्री उमर अब्दुल्ला बी रौहगन मजूद।
- उपमुखमन्त्री सुरिन्दर चौधरी होरें आखेया ऐ जे सरकार कम्मगारें दे अधिकारें दी रक्षा ते संरक्षण लेई दृढ संकल्प ऐ।
- जस्टिस सूर्यकांत होर अज्ज भारत दे 53में प्रधान न्यायधीश दे तौरा पर संगध चुकगन।
- गोआ च लग्गे दे फिल्मोत्सव IFFI 2025 च जम्मू-कश्मीर दा पंडाल फिल्म प्रेमियें लेई आकर्षण दा केन्द्र बने दा ऐ।
- ते मौसम विभाग नै औंदे किश दिनें तोड़ी मौसम खुशक बने दे रौहने दी पेशगोई कीती ही। दिने धुंध खिड़ी दी रौहग रातीं लै तापमान झिगडा जाई सकदा ऐ।



जम्मू-कश्मीर च चूना पत्थर दे खनिज ब्लाकें दी पैहली बारी नीलामी अज्ज जम्मू च कीती जाग। कोयला मंत्री जी. किशन रेड्डी होर इस कार्यक्रम दी अध्यक्षता करगंन- जेदे च मुख्मंत्री उमर अब्दुल्ला ते उपमुख्मंत्री सुरिंदर कुमार चौधरी होर हिस्सा लैगंन। खाने सरबंधी मंत्रालय दा आखना ऐ जे एह पैहलकदमी केन्द्र ते राज्य बश्कार मजबूत साथ-सहयोग गी दर्शादी ऐ। इस बारे पेश ऐ इक खास रिपोर्ट.....

215 दे खनन सुधारें दे बाद केन्द्र शासित प्रदेश च एह पैहली खनन ब्लाक दी नीलामी ऐ। अनंतनाग- राजौरी ते पुंछ च तकरीबन 314 हैक्टर रकबे च 7 चूना पत्थर दे ब्लाकें दी बोली लाई जाग। इनें भंडारें च उच्च गुणवत्ता आहले चूना पत्थर दी मती समर्थ ऐ- जेहड़ा सीमेंट उत्पादन- निर्माण ते होर दूए औद्योगिक उपयोगें आस्तै महत्वपूर्ण ऐ। इस बारे होर जानकारी दिंदे होई खानें सरबन्धी मंत्रालय दी संयुक्त सचिव फरीदा एम. नाईक होरें आखेया.....

◁ ▷ ◁ ▷ ◁ ▷ ◁ ▷ ◁ ▷ ◁ ▷

## Dy CM Workers

उपमुख्यमंत्री सुरिन्दर कुमार चौधरी होरें आखेया जे सरकार समूलचें जम्मू-कश्मीर च कम्मगारें ते उन्दे अधिकारें दे संरक्षण लेई निगार गैह पुट्टा रदी ऐ। उनें आखेया जे केई नियम –कायदे केन्द्र सरकार आसेया पैहले गै लागू कीतs गेदे न ते जम्मू-कश्मीर सरकार नै बी हाल च गै इस बारे विधानसभा च नमें कनून पास कीते ना। उपमुख्यमंत्री होरें आखेया जे इनें सब्भनें हीलें दा मकसद सब्भनें श्रमिकें- कम्मगारें दी सुरक्षा ते बचाव गी जकीनी बनाना ऐ- भाए ओ बतौर डेलीवेजर कम्म करदे होन जां कुसै दकानै पर जा फैक्ट्री च लग्गे दे होन। उनें आखेया जे इंदी उजरत- कम्मै दा बचाव ते सुरक्षा यकीनी बनाने लेई नियमें च केई तरमीमां बी कीतियां गेइयां न जिंदे नै इनें लोकें गी फैदा बी लब्बन लग्गी पेदा ऐ। उपमुख्यमंत्री होरे अगगे आखेया.....

<><><><><><>

## CJI-Oath

जस्टिस सूर्यकांत, जेडे कई सारे ऐतिहासिक फेसलें जियां के दफा 370 गी हटाना, बिहार चुनांs सूची, पेगासस जासूसी मामले दा हिस्सा रेई चुके दे न, ओहू अज्ज भारत दे 53में मुख्ब न्याधीश दे ओहदे दी सगंध लैडन। राष्ट्रपति द्रौपदी मुर्मू होर जस्टिस सूर्यकांत होरें गी ओहदे दी सगंध चुकागंन। सूर्यकांत होर जस्टिस बी.आर गवई हुं'दी थाहर लैडन। जस्टिस कांत होर 30 अक्तूबर गी अगले मुख्ब न्याधीश चुने गेदे हे ते ओहू अगले 15एं म्हीनें तगर इस औहदे पर रौहडन। ओहू अपना दफ्तर 9 फरवरी 2027 गी 65 बरें दी उम्र पूरा होने पर छोड़डन।

<><><><><><>

## BSF Kathua

बी.एस.एफ जम्मू दे जवानें कठुआ जिले दी मडीन तहसील दे हरिया चक्क ग्रां दे अंदरले दूर-दरेडे इलाके च इक सांझा तुपाई अभियान चलाया। बार्डर पुलस चौकी दे सहयोग कन्नै चलाए गेदे इस तुपाई अभियान दा मकसद बन्ने कन्नै लग्गदे इस संवेदन शील इलाके च अपने वर्चस्व दी परख ते अभ्यास करना हा। अधिकारियें दस्सेया जे इस चाल्ली दियें सांझियें कारवाइयें कन्नै नां छड़ा बी.एस.एफ ते पुलस बश्कार तालमेल बधदा ऐ- सगुआं मकामी समुदायें दी सुरक्षा- कनून बवस्था ते अंतराष्ट्रीय बन्ने पर सतर्कता बी जकीनी बनदी ऐ। एह अभ्यास बन्ने कन्नै लग्गदे इलाके च सुरक्षा बवस्था गी लेइयै संजीदगी कन्नै कीते जाने आहले उपाएं गी बी दर्शादा ऐ।

<><><><><><>

## JK IFFI Goa

गोवा च भारत दे अंतराष्ट्रीय फिल्म महोत्सव IFFI- 2025 च जम्मू-कश्मीर गी काबले जिकर आकर्शित कीता जा रदा ऐ ते 500 शा मते सैलानी जम्मू-कश्मीर दे पवेलियन च अपना पंजीकरण करोआई चुके दे ना। सूचना निदेशक नीतिश राजोरा होरें आखेया ऐ जे केन्द्र शासत प्रदेश च फिल्में दी शूटिंग गी परतियै जीवत करने ते जम्मू-कश्मीर गी फिल्म निर्माण लेई पैहली पसिंद दे रुपै च परतियै स्थापत करने आस्तै नमीं फिल्म नीति -2024 पेश करा रदा ऐ। पवेलियन इस खेतर दे घट्ट मशहूर कुदरती थाहरें समृद्ध- खान-पान- जीवंत कला ते सैलसफा दी बड्डी समर्थ गी प्रदर्शित करदा ऐ। वेब्स बाजार च जम्मू-कश्मीर दा स्टॉल फिल्म निर्माताएं ते फिल्म प्रेमियें गी लगातार आकर्शित करा रदा ऐ। राजोरा होरें इब्बी दस्सेया जे सूचना विभाग सभ्भनें पंजीकरणें पर सार्थक अमल करोग.....

<><><><><><>

## Weather Update

मौसम विभाग नै औंदे किश दिने दौरान मौसम खुशक रौहने दी पेशगोई कीती ऐ। मैहकमे मुजब बडुलै 10 कोला शामी 4 बजे तोड़ी धुंध खिड़ी दी रौहग ते लोकें गी सुक्की ठंडू दा सामना करना पेई सकदा ऐ। पैहली दिसम्बर गी तापमान च 5 डिग्री तोड़ी दी कमी दर्ज कीती जाई सकदी ऐ। लोकें गी हलके सीत लेई तयार रौहने दी सलाह दिंदे होई मौसम विभाग श्रीनगर दे मोहम्मद हुसैन मीर हुंदा आखना ऐ.....

<><><><><><>

## Prog. Announcement

आकाशवाणी दे क्षेत्रीय समाचार एकांश जम्मू महिलायें खलाफ हिंसा गी खत्म करने सरबंधि अंतराष्ट्रीय ध्याडे दे मौके पर कल 25 नवम्बर गी 25एं मिन्टे दा इक विशेष कार्यक्रम प्रस्तुत करने जा रदा ऐ- जेहदा विशे सार ऐ- “महिलायें खलाफ हिंसा गी खत्म करना- जागरुकता राएं इक सुरक्षत समाज दा निर्माण करना।”कल दिनै 12 बजे प्रसारत होने आहले इस कार्यक्रम च स्थाडियां विशेष परोहनियां होगन- जम्मू-कश्मीर पुलसै च DSP फरहा निशात- जेहडियां इस विशे पर अपने विचार ते तुजुबें सांझे करगन।

उंदे कन्नै गल्लबात करगंन स्हाडियां एंकर श्रुति खजूरिया। एह कार्यक्रम तुस स्हाडे इस्सै चैनल मीडियम वेव 303 मीटर यानि 990 किलोहर्टस ते एफ.एम सौ इशिया 3 मैगाहर्टस पर सुनी सकदे ओ।



CS Traffic Management

मुख्य सचिव एटल डुल्लु होरें कल इक बैठक सदियै समूलचे जम्मू-कश्मीर च इलैक्ट्रानिक सिडक सुरक्षा लागू करने दी समीक्षा कीती ते जोर देइयै आखेया जे राजधानी आहले दौने शैहरें जम्मू ते श्रीनगर च संगठित ते विकसित ट्रैफिक लाइटें आहली बवस्था असरदार ढंगै सिर लागू कीती जाहग। इनें शैहरें दे किश इलाकें च इस बवस्था दा पूरा-पूरा ते स्हेई इस्तेमाल नेंई होने पर ऐतराज प्रगट करदे होई मुख्य सचिव होरें आखेया-जित्थे कुदरै बी कोई कमी खामी सेई हुंदी उत्थै मरम्मत ते दर्जा बधाने दा कम्म तौले कीता जा तां जे गड्डियें दी आओ-जाई पूरी चाल्ली रमानदारी ते बवस्था आहले ढंगै सिर चली सकै। अधिकारियें उनेंगी दस्सेया जे दौने शैहरें च ITMS आहली बवस्था च सैकड़ा बदे कैमरें न- जिसलै जे ITLS आहली बवस्था इनें थाहरें परतियै ब्हाल कीती जा रदी ऐ। इनें कोशशें दा मकसद लोकें दी सुविधा च बेहतरी आहनने लेई कुशल ते ट्रैक्नॉलोजी पर आधारित ट्रैफिक प्रबंधन जकीना बनाना ऐ।

